



40825

Mag. St. Dr.

P

Const.

tutio qua amplius Episco-
pi facultas impertienti
benedictionem etc.

Fol. 156g.

SANCTISSIMI IN CHRISTO PA-
TRIS, ET DOMINI NOSTRI,
DOMINI

B E N E D I C T I

DIVINA PROVIDENTIA

P A P Æ XIV.

CONSTITUTIO,

QUA

Ampliatur Episcopis facultas
impertiēdi Benedictionē cum
Indulgentia plenaria fidelibus
in mortis articulo constitutis;
etiam per alios, tam in Civita-
tibus, quā in Diœcesibus ab
ipsis subdelegatos.

IMPRESSUM ROMÆ 1747.

UNIVERSITATIS
BIBLIOTHECA
ACADEMICA
POSNANENSIS



REIMPRESSUM POSNANIÆ,

Typis Academicis. 1748.

40825

Tbr.

BENEDICTUS

EPISCOPUS

SERVUS SERVORUM DEI,

Ad perpetuam rei memoriam.

Pia Mater Catholica Ecclesia, *Ecclesia*
 de æterna Filiorum suorum *pia cura*
 salute inprimis sollicita, quum *erga mo-*
 hanc intelligat ab extremo ip- *ribundos*
 forum mortis articulo potissi- *fideles.*
 mùm pendere, nunquam præ-
 termisit omnibûs eos subsidiis
 pro hujusmodi temporis neces-
 sitate opportunis juvare atque
 instruere, tam iis nimirum, qui-
 bûs opus esset ad æterna præ-
 cavenda supplicia, quàm quæ
 apta & salubria forent ad evi-
 tandas poenas temporibûs defi-
 nitas, quas in altera vita huma-
 nis plerumque spiritibus, etiam

dimissio mortalis culpæ, æternæque poenæ reatu, in Purgatorio igne luendas manere non ignorat. Quamobrem, licet ex veteri simul & recenti Ecclesiæ disciplina, graviorum quorundam criminum absolutio Romano dumtaxat Pontifici in universo Christiano Orbe, aliorum autem singulis Ecclesiarum Præsulibus in eorum Dioecesibus, reservata fuerit, attamen adveniente unicuique Fidelium supremo migrationis die, omnes hujusmodi absolutionum reservationes cessare, & cuilibet Sacerdoti liberam & plenam facultatem esse quemcumque poenitentem à quibuscumque peccatis & criminibus, necnon Ecclesiasticis sententiis atque censuris absolvendi, providè declarare.

ratum fuit. Præterea quum in *Et pro-*
 Ecclesia immensus, & inæstima- *meritas*
 bilis existat Thesaurus spiritua- *pœnas e-*
 lis, ex infinitis constans satisfac- *vadant.*
 tionibus Passionis, & mortis
 Domini Nostri J E S U Christi,
 ac præterea ex meritis, & satis-
 factionibus gloriosæ Virginis Ge-
 nitricis Dei MARIÆ, omniūq;
 Sanctorum, & Electorum, cujus
 Thesauri dispensationem Salva-
 tor Noster Beato Petro Aposto-
 lorum Principi ejusque in per-
 petuum Successoribus tradidit;
 hoc semper summô studiô curâ-
 runt Prædecessores Nostri Ro-
 mani Pontifices, ut illius divi-
 tias in moribundos Fideles lar-
 gè diffunderent, & maxima o-
 mnium amplitudine, quæ Indul-
 gentia Plenaria nuncupatur, cu-
 jusque impertiendæ jus in Apo-
 sto-

stolica Sede unicè residet, ipsis potissimum applicarent; quam quidē in rem Episcopis per Ecclesias cōstitutis vices suas cum opportunis facultatibus delegarunt; ne ullus in Orbe Terrarū angulus esset, ubi Catholicæ Religionis professoribus hujusmodi adjumenti copia deesset, pro extremo illo momento, quō ipsorum salutis causa in discrimen adducitur.

Forma Haftenus hujusmodi facultas
Indulto- Episcopis concedi consuevit,
rum pro Pōtificis nomine & auctoritate,
largitio- per privatas Epistolas ipsius Se-
ne Indul- gētiae Plecretarii Brevium secretorū, qui
nae in expositā Pontifici petitione pro
articulo parte cujusque Episcopi, & pro
mortis, spiritali utilitate ipsius subdi-
Episco- torum ad se delatā, rescribere
pis conce- solebat, petitam facultatem ab
di solit. ipso

ipſo Pontifice eidem indulgeri,
ad Triennium proximum; hâc
 tamen lege, ut ipſe eâ uteretur,
 nimirum Benedictionem imper-
 taret, & Indulgentiam plenariâ
 ægrotis in mortis articulo con-
 ſtitutis largiretur *per ſe ipſum*
immediatè, vel, quatenûs Epi-
 ſcopum Suffraganeum haberet,
per Dominum Suffraganeum ſu-
um; nec, niſi neceſſitate cogen-
 te, & quidem nocturno tempo-
 re, alium Sacerdotem in ſingu-
 lis peculiaribus caſibus ſubdele-
 gare poſſet: Ubi verò *precisa*
neceſſitas exegerit, ac *inſimul*
noctis tempore dumtaxat, idem
 permittit, ut alicui Sacerdoti pio,
per Dominationem Veſtram qua-
libet vice eligendo &c. *commu-*
nicare valeat; quò verò ad
 Moniales, Ordinarii earum Cõ-

sessarii operâ in eum finem u-
teretur.

Eorum Hanc porrò facultatē, prout
amplia in hujusmodi Literis conceden-
tio aliàs batur, Ecclesiarū Pastores jam-
expetita dudum judicârunt angustis ni-
fuit. mium limitibûs circumscriptâ,
non solùm ob breve Triennii
spatium ipsi præfinitum; verùm
etiam quia, propter relatas le-
ges circa illius usum præscriptas,
ab hujusmodi Indulgentiæ Ple-
nariæ beneficio excludi videbāt
plerosque fideles sibi subjectos,
præsertim verò eos, quos extra
ipsorum Residentiæ locum, & in
remotis Diœcesum regionibus
infirmari contingeret; nec de-
fuerunt instantiæ Vicariorū Ca-
pitularium, & Vicariorum Apo-
stolicorum, sicut etiam Præla-
torum inferiorum Territorium
se-

separatum habentium, cum acti-
va in Clerum & Populum juris-
dictione, qui eandem facultatē
Episcopis concedi solitam, sibi
quoque tribui postulârunt; qui-
bus de rebus actum fuit die
xxii. Novembris MDCCX. in
Congregâtionē S. R. E. Cardi-
nalianum Indulgentiis, & Sacris
Reliquiis præpositâ, cujus Con-
sultoris officium in minoribus
tunc cōstituti obtinebamus; sed
nihil tunc temporis est innova-
tum, resque in priori statu re-
lictâ fuit.

Cùm verò deinceps alterum Congre-
gationis Decretorum Con- ^{gatio Cō-}
cilio Tridentini interpretis Nobis ^{cilii in}
in minoribus pariter degentib9 ^{eundem}
demandatum fuisset; instante ^{sensum}
Episcopo Mazarinæ tunc existen- ^{de venit.}

As te,

te, duo dubia eidem Congregationi definienda proposuimus, unum videlicet, an stante dispositione præmissarum Epistolarum Secretarii Brevium, ut scilicet Episcopus pro impertienda Monialibus benedictione, & indulgentia plenaria eisdem in articulo mortis applicanda, earum Confessarii operâ uteretur, licitum sit Episcopo Monasterii Claustra ingredi, ut huiusmodi pium opus per se ipsum adimpleat; alterum verò, quatenus id Episcopo permittatur, an, & à quibus comitatus Monasteriū ingredi debeat, super quibus, perpenso folio à Nobis pro huiusmodi quæstionum elucidatione de more exarato, die x. Maij Anni MDCCXXVII, responsū fuit, ad primum: Licere Episcopo

scopo, quoties voluerit, ad impertiendam benedictionem Moniali in mortis articulo constitutæ Monasterium intrare: Ad secundū; Episcopo ad hunc effectum intra Monasterii septa se conferenti comites esse debere Confessarium ordinariū ipsius Monasterii, aliumque Sacerdotem ipsius Episcopi arbitrio eligendum. Rescripto autem additum fuit: *Et ad Dominum Secretarium cum Eminentissimo Secretario Brevium*; quibūs nimirum verbis Nobis demandatum fuit, ut cū bonæ memoriæ Cardinali Oliverio noncupato, tunc Brevium secretorum Prædecessoris Nostri Benedicti Papæ XIII. Secretario, ageremus, pro ampliatiōe facultatum in memoratis Epistolis cō-

ten-

tentarum, quarum formula m.
à Nobis in folio tunc eidem
Congregationi, ut præfertur,
exhibito, integrè insertam, ipsa
Congregatio paulò arctioribûs
conclusam limitibûs judicavit:

Neque porrò omisimus in-
junctum Nobis onus agendi cum
præfato Cardinali Brevium Se-
cretario quamprimùm implere;
verùm quum paulò post ab e-
odem Benedicto Prædecessore
in Collegium S. R. E. Cardina-
lium cooptati, ad regendam E-
piscopalem Anconitanam Eccle-
siam Nos contulerimus, ex qua
bienniô post ad Metropolitanam
Bononiensem translati fuimus,
non licuit Nobis negotium istud
ad optatum finem perducere.

*Pötificis
experie
tia in E-*

Interim verò, quum non minùs
pro Anconitano, quam pro Bo-

no-

noniensi Populo, hujusmodi fa-
cultatem indulgentiæ plenariæ
moribundis fidelibus impertiē-
dæ ab Apostolica Sede, ut par-
erat, expetitam, juxta consue-
tam formam, ac superiùs, enū-
ciatîs limitibûs circumscriptam
obtinuissemus; ipso statim usu,
& propriâ experienciâ, in eas
incidimus difficultates, quæ &
Anno MDCCX. ut præfertur,
in Cōgregatione Sacris Reliqui-
is & Indulgentiis præposita, à
Nobis tamquã Consultore pro-
positæ fuerant; quæque deinceps
Anno MDCCXXVII. alteri
Congregationi Cardinalium
Concilii Tridentini interpretû
à Nobis etiam, pro Secretarii
munere, expositæ, causam de-
derunt memoratæ consultationi
cum Secretario Brevium intro-
du-

*piscopa-
lis Officiî
admini-
stratione*

ducendæ. Etenim tum in An-
conitanæ, tum verò in amplio-
ris Bononiensis Ecclesiæ regimi-
ne, animadvertimus, ob inter-
dictam Nobis hujusmodi facul-
tatis subdelegationem, omnes
plerumque Diœcesis habitato-
res hœc tantô spirituali beneficiô
summîs suis temporibus orba-
tos manere; & quidem cum ir-
reparabili damno, deficientibûs
per Diœcesim Collegiis Cleri-
corum Regularium Ministranti-
um Infirmis, quibus à felicis re-
cordationis Prædecessore Nostro
Alexandro Papa VII. per literas
die xv. Januarii Anni MDCLVI.
datas, & perpetuò valituras, in-
dultum fuit, ut Christifidelibus
in mortis articulo constitutis
Benedictionem, cum indulgen-
tia plenaria impertiri valeant;

nec

nec aliis extantibus Coenobitis
 Regularium, quibus, pro Con-
 fratribus piarum quarundam
 Societatum ab eorum Ordinibus
 institutarum, similia Indulta &
 Privilegia ab Apostolica Sede
 concessa fuerunt. Quod verò
 spectat ad Incolas ipsius Civita-
 tis, siquidem hæc, ut Bononia
 est, frequenti Populo sit refer-
 ta, quum facultas substituendi
 non aliter in præfata Epistola
 tribuatur, quàm in casu præci-
 sæ necessitatis cum nocturno
 tempore cōiuncto, cum magno
 animi Nostri dolore experti su-
 mus Paternæ huiusmodi chari-
 tatis actus erga dilectos in Chri-
 sto Filios nostros, non eâ assidu-
 itate, quâ cupiebamus, per Nos
 ipsos præstari posse. Nam præ-
 terquam, quod necesse habeba-
 mus

Episcopus nonnullis per annum mensibus à Civitate abesse, ut, juxta præscriptum Sacræ Tridentinæ Synodi, si non totam, saltem aliquam illius amplæ Diocesis partem singulis annis coram invisendo, corrigendo, docendo, & Sacramentum Confirmationis visitatis plebibus ministrando lustraremus; jam in ipsa Civitate degentes, nullam ferè diurni temporis horam, vel à Divinis rebus, vel à Pastoralis Officii occupationibus vacuam habebamus; dum pro occurrentium negotiorum expeditio-
ne, nunc adeuntium postulati-
onibus, nunc Ministrorum rela-
tionibus, nunc Congregationum
consultationibus operam dare o-
portebat; recurrentibus autem
Ordinationum temporibus, vel

eve-

evenientibus Ecclesiarum Parochialium vacationibus, aut cessantibus Confessariorum facultatibus, quas, ad nova de ipsis experimenta identidem capienda, nonnisi temporibus definitas iisdem concedere consuevimus. Examina atque Concursus sine Nobis haberi non permittebamus. Et sanè, si quis Episcopalis vitæ conditiones, ut verè se habent, considerare velit, faciliè agnoscet, majorum Civitatum Episcopos ferè redactos esse ad hujusmodi Benedictio- nis, & Indulgentiæ beneficium aliquibus dumtaxat Personis, vel genere, vel aliis qualitatibus conspicuis, & quidem instantibus, & postulantibus, exhibendum; pauperibus autem & humilioribus, ob præclusam sibi,

B.

ex-

extra necessitatis, & noctis tempora, subdelegandi facultatem, vix unquam succurrere posse.

Objectū Quod Si satis momenti, &
adversus authoritatis haberet sententia,
frequen à non nemine proposita, Plena-
tes cōces- riam scilicet Indulgentiam in-
siones In- riam scilicet Indulgentiam in-
dulgētie mortis articulo concedendam.
Plenaria non esse, nisi his, quorum exi-
in articu mia in Ecclesiam merita exti-
lo mortis tissent; eâ nimirum de causa,
diluitur. quod quum pro hujusmodi In-
 dulgentiæ consequutione, vel
 nullum omninò opus injungi,
 vel nonnisi morientis statui, &
 viribus accomodatum imponi
 possit, præterita dumtaxat in
 Ecclesiam merita, cum extre-
 ma præsentī necessitate conjū-
 cta, locum supplere possint ali-
 orum operum, quæ cæteroquin
 ad Plenariam Indulgentiam adi-
 pi-

piscendam præscribi solent; nihil profectò esset, cur aliquid nunc à Nobis innovando statueretur. Verùm Prædecessorū nostrorū hac in re agendi ratio, relatæ opinioni cōtraria dignoscitur. Ut enī multas prætereamus concessiones Indulgentiæ Plenariæ morientibus fidelibus indistinctè applicandæ; quænam porrò, & quam magna in Ecclesiā promerita fuisse dicemus eorū, qui quatuor ab hinc sæculis, pestifera lue per Angliam grassante, ex hac vita decedebant? quibus tamen omnibus, dummodo sacramentaliter confessi, & Sacra Cōmunionē refecti fuissent, Prædecessores Nostri Clemens Papa VI, & Gregorius Papa XI. Benedictionem cum Indulgētia Plenaria per Legatos suos im-

pertiri non recusârunt. Sed & ipsa Congregatio Indulgentiis & Sacris Reliquiis præposita jam usque ab Anno M D C L X X V. die x x i i i. Aprilis, re diligēter persâ, censuit, Indulgentiæ Plenariæ largitionem in eos etiam, qui singularibûs in Ecclesiam meritîs nequaquam excellerent, rectè, & utiliter conferri, atque diffundi.

*Pōtificis
benigni-
tas vete-
ribus &
recētibus
exemplis
inniti-
tur.*

Quapropter Apostolicæ charitatis nostræ viscera dilātātes, & tam veteribus, quàm recentioribus Ecclesiasticæ benignitatis exemplis inhærentes; siquidem extat illustre monumentū tertii Ecclesiæ sæculi in Epistola Sancti Cypriani, quæ in novis Editionibus impressa est numero XII. quâ scilicet, in eorū gratiam, qui Libellos Martyrū obti-

obtinuerant, & in mortis periculo versabantur, quum ipse æstivis ardoribus præpediretur, quò minùs, ut optaverat, ad eos reconciliandos sese conferre posset; permittit ut id, vice sua à quocumque Presbytero, aut etiam Diacono, præstari queat; novissimis verò temporibus, ex secunda Mediolanensi Provinciæ Synodo constat, à felicis recordationis Prædecessore Nostro Gregorio Papa XIII. omnibus Episcopis illius Provinciæ concessum fuisse, non solùm ut ipsi Benedictionem cum indulgentia plenaria moribundis Fidelibus impertiri, sed etiam ut aliis hujusmodi facultatem liberè subdelegare possent: his igitur, aliisque exemplis, necnon rationibùs superiùs relatìs per-

moti, hac Noſtra perpetuò va-
liturâ Conſtitutione novas in
hac materia regulas præfinire,
quodque olim, ut præmiſimus,
de alterius ſententia delibera-
ndum Nobis fuerat, nunc deniũ
de conceſſa Nobis Apoſtolicæ
potestatis plenitudine abſolve-
re, ac perficere conſtituimus.

*Indulta
ad trien-
nium cõ-
ceſſa con-
firmatur
& ampli-
antur ad
vita n,
ſeu &c.*

Itaque primũ volumus at-
que decernimus, ut quæ facul-
tates impertiendi Benedictionẽ
cum indulgentia plenaria fide-
libus in mortis articulo conſtitu-
tis, Venerabilibus Fratribus Pa-
triarchis, Primatibus, Archie-
piſcopis, & Episcopis nunc e-
xiſtentibus à Nobis, vel à Præ-
deceſſoribus Noſtris ad hunc diẽ
conceſſæ reperiuntur, licet illæ
in conſuetis Epistolis Secretarii
Brevium ad Triennium dumta-

xat, vel aliàs ad definitum tempus indultæ fuerint, nihilominus præsentis nostræ Constitutionis vigore eò usque in suo robore maneant, quoad iidem Antistites earum Ecclesiarum, atque Diocesum regimen obtinebunt, quarum favore & intuitu easdē facultates à Nobis & ab Apostolica Sede impetrârunt. Nos enim eas ad omne tempus huiusmodi, motu proprio, & auctoritate præfata, atque earumdem præsentium Literarum serie, extendim9, & prorogamus.

Utque præterea unusquisque *Adjecta*
ex Antistitibus præfatis, unum, *facultate*
aut plures pios Sacerdotes, sive *subdelegã*
Sæculares, sive Regulares, pro- *di in Ci-*
ut necessarium fore judicabunt, *vitatib9*
in eorum Civitatibus subdele- *& Dioce-*
gare valeant, qui, dum ipsi An- *sibus, e-*
die. *tiam de*

tistites aliquô legitimô impedi-
mentô detinebuntur, quamvis
huiusmodi impedimētum diur-
no tempore occurrat, eorum-
vice, Benedictionem huiusmo-
di cum indulgentiæ plenariæ ap-
plicatione Christifidelibꝫ in præ-
fato articulo constitutis imper-
tiantur; aliosque similiter per
Diocesim Sæculares, aut Regu-
lares Sacerdotes, quotquot pro
numero animarum in Dioecesi-
bus existentium necessarios ju-
dicaverint, ad prædictum effe-
ctum deputare, & subdelegare
possint, necnon eosdem à se de-
putatos & subdelegatos remo-
vere, aliosque in eorum locum
pro suo arbitrio, & prudentia
subrogare valeant; iisdem motu,
potestate, & tenore, concedimꝫ
& indulgemus.

Si

Si verò aliquē ex Antistiti-^{Amplio-}
 bus nunc per Ecclesias constitu-^{ra Indul-}
 tis, & præfatâ facultate gaudē-^{ta in po-}
 tibus, ad aliarum Ecclesiarum^{sterū con-}
 regimen Apostolica auctoritate^{cedentur}
 transferri contingat; sive ali-^{per Lite-}
 quis eorum sit, quorum favore^{ras Apo-}
 consuetæ Literæ Secretarii Bre-
 vium ad hunc diem expeditæ
 non fuerint; ac denique quum
 novi Episcopi Catholicis Gredi-
 bus in posterum præficientur;
 volumus, atque statuimus, ut
 singulis eorum huiusmodi facul-
 tatem à Nobis, sive à Romano
 pro tempore Pontifice postulan-
 tibus, Apostolicæ Literæ in for-
 ma Brevis gratis per omnia ex-
 pediantur, quibus prædicta fa-
 cultas ipsi concedatur non ad
 Trienniū, sed ad omne tempus,
 quò adeptum semel Ecclesiæ re-

gimen obtinebunt; adjecta etiā facultate subdelegandi tam pro Civitate, quàm pro Dioecesi, non quidem in casu dumtaxat impedimenti cum nocturno tēpore conjuncti, sed in omnib9 & per omnia ad normam eorū, quæ pro Episcopis nunc existētib9, & indulto hujusmodi actu gaudētibus, supra statuim9.

Etiā favore Prælatorum Inferiorū juris dictionē habēt iū. Insuper pro Prælati Inferioribus Territorium separatum habentibus, cum vera qualitate nullius, & activa in Clerum & Populum jurisdictione; quamvis Prædecessores Nostri hanc de præterito consuetudinē non habuerūt; nihilomin9 de Apostolica liberalitate, ac simili motu & tenore concedimus, & indulgemus, ut, si ab ipsis hujusmodi facultas petita fuerit, similes

Literæ in forma Brevis in posterum singulis eorum expediātur, juxta eandem formam, mutatis mutandis, quam pro Episcopis constituimus; ne exceptâ quidem facultate subdelegandi, ut supra; dummodò ipsi Prælati hanc gratiam postulantes, Apostolicis Literis nostris Anno Incarnationis Dñicæ MDCCXL. nonô Kalend: Decembris datis, quarum initium est *Quod sancta*, impressis in Bullario nostro *Tom: 1. num: 7.* obtemperaverint; nimirum sacra Apostolorū Limina præscriptis temporibus visitaverint, & relationē statūs Ecclesiarum sibi subjectarum Apostolicæ Sedi exhibuerint; vel, quatenus Prælationis honorem de novo accipiant, debitū juramentum in memorata Cō-

sti-

stitutione præscriptum antea præstiterint.

*Indulta
non exspira-
rant mor-
te Ponti-
ficis.*

Dum autem hujusmodi facultatem Episcopis eam actu obtinentibus prorogavimus, & ampliavimus, ut præfertur; cæteris verò tam Episcopis, quàm Prælati inferioribus in posterum eam petentibus, supradictâ forma & amplitudine concedendâ fore decrevimus, sequitur, ut hujusmodi Indulta nequaquam morte concedentis expirent; quum jurisdictio delegata in iis, quæ non justitiam, sed gratiam concernunt, etiam post obitum delegantis manere debe-

*Nec subdelegati-
ones per
cessum a-
ut deces-
sum sub-
delegatis* at. Quoniam verò iisdem Episcopis, & Prælati permittimus, ut hujusmodi facultatem, pro Incolarum Civitatum, Locorum, atque Dioecesum opportunitate

&

& necessitate, uni, vel pluribꝫ
 Sacerdotibus in posterum subde-
 legare valeant; statuimus atque
 decernimus, hujusmodi subde-
 legationes, per subdelegantis
 cessum aut decessum, similiter
 non expirare; sed potestatem
 ipsis tributam perseverare usqꝫ
 ad superventum novi Præsulis,
 cujus arbitrio relinquimus, e-
 osdem in hujusmodi officio con-
 firmare, vel ab eo removere.
 Atque ita quicumque Antistes
 memoratam facultatem à Roma-
 no Pontifice semel obtinuerit,
 eo decedente, opus non habet
 pro illius confirmatione ad A-
 postolicæ Cathedræ Successorem
 recurrere. Sicque etiam ceden-
 te, vel decedente Episcopo, seu
 Prælato, à quo eadem facultas
 in sua Dioecesi, aut Territorio
 sub.

subdelegata fuerat, novâ concessione opus non erit pro temporaneo Vicariorū Capitulariū, aut Apostolicorum, regimine; quum Subdelegatorum auctoritas semper manere debeat, quā diū vel Episcopus ipse, aut Prælatus, vel illius Successor eandē ipsis non ademerit.

Hâc igitur ratione animarū saluti consulentes, quantū nobis in Domino licuit, piam cōsuetudinem applicandi plenariā Pōtificiam indulgentiam Ecclesiæ Filiis in mortis articulo cōstitutis, ampliare, & faciliorem reddere curavimus. Permissâq; Venerabilibus Fratribus, ac Dilectis Filiis, Ecclesiarū Episcopis & Præsulibus, facultate alios Sacerdotes ad hunc effectum, tam in Civitatibus, quàm in
Di-

Dioecesibus subdelegandi , non
 parùm levaminis eorum anxie-
 tatibus , & sollicitudinibus per
 Nos allatum esse putamus. Ve-
 rùm tamen ipsis declaratum vo- *Monitū*
 lumus , non id propositum No- *ad Epi-*
 bis fuisse , ut eos prorsus exime- *scopos ut*
 remus ab hoc paternæ charita- *ad Ægro-*
 tis officio , per se ipsos adeundi *tos perso-*
 miseros ægrotos Plenariæ abso- *naliter*
 lutionis in extremo articulo a- *accedant*
 dipiscendæ cupidos ; sed ut eo-
 rum pietatem opportunè juva-
 remus , ne , dum ipsi aliis Pasto-
 ralibûs curis detinentur , dolere
 debeant , commissos sibi Fideles
 hōc tantō spiritali beneficiō de-
 stitutos ex hac vita migrare .
 Qui verò pium hujusmodi opus
 per semetipsos exercere gaudēt
 (quod sanè omnes , quoties le-
 gitimè impediti non fuerint , fa-
 ctu-

sturos esse confidimus,) meminerint, non id dumtaxat erga nobiliores, & Potētes hujus sæculi, sed erga pauperes quoq; & abjectæ sortis homines præstandum esse. Qua de re utiliter legi poterit Prædecessoris Nostri S. Gregorii Magni Homilia xxviii. in Evāgelia ad cap: iv. Joannis. *Erat quidam Regulus, cujus Filius infirmabatur Capharnaum*, in qua mirabilem atque cœlestem observat amantissimi Redemptoris Nostri JESU Christi agendi rationem, qui ad invisendum ægrotantē Reguli Filium invitatus ire abnuvit, ad Centurionis Servum nec invitatus iturum se profitetur: *Quid est quod Regulus rogat, ut ad ejus filium veniat, Et tamen venire recusat; ad servum verò*

Centurionis non invitatur, Et
 men se corporaliter ire pollicetur?
 Reguli filio per corporalem præ-
 sentiam non dignatur adesse;
 Centurionis servo non dedigna-
 tur occurrere.

Ut autem indulgentiæ fru- *Monita*
 ctus à Fidelibus in mortis arti *salutaria*
 culo percipiatur, hoc sedulò a *Fidelibus*
 gendum erit, ut Populus in Sa- *inculcanda*
 cris Concionibus, & Catheche-
 sibus frequēter edoceatur, quòd
 iis, qui gratiæ Dei, quam in
 baptismo acceperunt, ingrati,
 per actualia peccata Spiritum
 Sanctum contristaverūt, & tē-
 plum Dei violare non sunt ve-
 riti, quantumvis æterna suppli-
 cia, in Poenitentiae Sacramento
 condonata fuerint, nihilominus
 temporalis plerumq; poena Di-
 vine justitiæ exsolvenda super-
 est

est, cujus remissio obtinenda
 est non solum per satisfactiones
 à Sacerdote Confessario in ipso
 Poenitentiae Sacramēto pro mē-
 sura delicti impositas, aut per
 Christianam tolerantiam earum
 adversitatum, à quibus mortā-
 lium vita immunis esse nequit;
 verum etiam per jejunia, ele-
 emosynas, orationes, & alia pia
 spiritualis vitae exercitia; alio-
 quin verendum esset, ne salutis
 remedia ab Ecclesiae benignita-
 te fidelibus suppeditata, paulatim
 in pravæ libertatis, & licentiæ
 fomentum traheretur; complu-
 ribus sibi temerè blandientibus
 de remissione tum sempiternæ
 poenæ, per Sacramentalem ab-
 solutionem, tum temporalis, per
 Indulgentiæ Pontificiæ applica-
 tionem, in exitu vitae impetrā-
 dā;

dâ ; neque cogitantibus, quàm incertum sit omnibus non solum quâ horâ, & quô mortis genere ex hac vita migrandum sibi fuerit; sed etiam an Indulgentiâ, licet externo ritu sibi applicatâ, cum effectû sint percepturi. Præpostera æquè ac periculosa antiquis Ecclesiæ temporibus inoleverat consuetudo, ut non pauci ex iis, qui ad Baptismum nomina obtulerant, ad finem usq; vitæ ipsius Sacramenti perceptionem prorogarent, quô scilicet interim ingeniô liberè indulgerent, ac demum quum è vita discessuri essent, per salutare lavacrum, ab omni culpa, & tam ab æterna, quàm à temporali poena soluti, ad coeleste Regnum rectâ transferrentur; contra quos extant gravissimæ

objurgationes Sancti Gregorii Nazianzeni in Oratione XL, & Sancti Joannis Chrysostomi in Homilia I. super Acta: sed & Ecclesia Catholica pravam hujusmodi confidentiam improbare se declaravit, dum eos, qui in mortis periculo Baptismum susceperant, si convaluissent, à sacris Ordinibus, & ab Officiis Ecclesiasticis arcendos, ac perpetuò irregulares fore decrevit.

*Religio-
nis actus
moribun-
dis Fide-
libus in-
sinuandi.* Et quoniam Sacerdotibus, qui fideles in extremo agone laborantes piè adjuvant, vel Ecclesiæ Sacramenta ipsis ministrant, Rituale Romanum injungit, ut si ægrotus indulgentiam plenariam legitima auctoritate concessam consequi valeat, eam illi in mentem reducant, proponantque quid ad eam consequendam

dam agere debeat, ex his autē,
 qui ad hujusmodi statum reda-
 cti sunt, alii quidem cum plena
 cognitione integrum loquelæ u-
 sum retinent, alii verò loquen-
 di facultatem amiserunt, licet
 antea sinceræ contritionis indi-
 cia dederint, eaque adhuc rati-
 one utentes, identidem dare
 non desinant; ideò, quò certius
 prædicti omnes indulgentiæ fru-
 ctum consequi valeant, præfa-
 tis Sacerdotibus mandamus, ut
 omni ratione studeant moribū-
 dos fideles excitare ad novos de
 admissis peccatis doloris actus
 eliciendos, concipiendosque fer-
 ventissimæ in Deum charitatis
 affectus; præsertim verò ad ipsā
 mortem æquò ac libentî animò
 de manu Domini suscipiendam.
 Hoc enim præcipuè opus in hu-

Præfertim jufmodi articulo cōtitutis im-
accepta- ponimus, & injungimus, quô se
tio mor ad plenariæ indulgentiæ fructū
tis, tan- consequendum præparent, atq;
quā opus disponant. Qua in re auctor No-
pro Indul bis est Sanctus Doctor Augufti-
gētia in- nus, qui in *Libro XIII. de Ci-*
junctum. *vit: Dei cap: 6.* poftquam hor-
 ridam mortis speciem, eique re-
 nitentes hominum animos de-
 fcripfit, quodque in aliis fuis o-
 peribus non femel docuerat,
 mortem nimirum effe peccati
 originalis poenam, ibi quoque
 afferuit, & confirmavit; hæc ad
 rem noftam absolute fubdit:
Quidquid tamen illud eft in mo-
rientibus, quod cum gravi fen-
fu adimit fenfum, piè fideliterq;
tolerando, auget meritum patie-
tiae, non aufert vocabulum pœ-
næ. Ita cum ex hominis primæ
 per-

*perpetuata propagine procu! du-
bio sit mors poena nascentis; ta-
men, si proprietate iustitiæque
pendatur, sit gloria renascentis;
Et cum sit mors peccati retribu-
tio, aliquando impetrat, ut nihil
retribuatur peccato.*

Pro impertienda verò Bene-
dictione fidelibus in mortis ar-
ticulo constitutis, applicanda
que ipsis plenaria indulgentia,
quum nulla certa formula olim
præscripta foret sanctæ memo-
riæ Prædecessor noster Benedi-
ctus Papa XIII. Anno Domini
MDCCXXVI., pias quasdam
Preces & Orationes ad hunc ef-
fectū adhibendas publicari mā-
davit; quarum exemplo, in his
quæ opportuna judicavimus, in-
hærentes, aliam de novo formu-
lam, cum his, quæ in hac nostra

*Formula
impertiē
da Bene-
dictionis
à Pontifi-
ce consti-
tuitur.*

Constitutione præscripta sunt, magis congruentem confecimus & instituimus, quam ab omnibus in posterum usurpari præcipimus; mandantes hoc ipsum inculcari, & injungi in Apostolicis Literis, quæ deinceps pro cōcessione prædictæ facultatis indulgentiæ plenariæ moribundis impertiendæ ut præmisimus, expediendæ erunt.

*Clausula
& derogationes.*

Ac decernentes, ipsas præsentēs Literas semper validas, & efficaces existere, & fore, suosq; plenarios effectus perpetuò sortiri, & obtinere, atque iis, ad quos spectat, seu spectabit in futurum, plenissimè suffragari: non obstantibûs Apostolicis, & in Generalibus, seu Provincialibus, aut Synodalibus Conciliis editis generalibûs, seu specialibus

bûs Cõstitutionibûs, ac quibuscumque contrariis, etiam Congregationum S. R. E. Cardinalium, Decretis, & Resolutionibûs, etiam Apostolica auctoritate approbatis, roboratis, & pluries confirmatis; usibûs quoque, stilibûs, & consuetudinibûs, etiam immemorabilibûs. Quibus omnibus & singulis, ad præmissorum effectum, motu, scientiâ, & potestate præfatis, amplissimè derogamus, aliisque contrariis quibuscumque.

Volumus autem, ut earumdem præsentium transumptis, *Fides præstanda transumptis.* siue exemplis, etiam impressis, manu Notarii publici subscriptis & sigillò Personæ in dignitate Ecclesiastica cõstitutæ munitis, eadem ubiq; fides habeatur, quæ ipsis præsentibus haberetur, si forent exhibitæ, vel ostensæ.

Tenor Formula igitur, quam pro
Formula impertiēda Benedictione, & Ple-
supra e- naria Indulgentia moribundis
nunciata fidelibus applicanda, ut præfer-
 tur, in posterum adhibendam
 esse præscripsimus, talis est ::

M O D U S

ASS. D. N. BENEDICTO PA-
 PA XIV. approbatus.

*Pro opportunitate temporis ser-
 vandus, ut infra in Rubricis nota-
 tur, ad impertiendam benedicti-
 onem in articulo mortis constitu-
 tis, ab his, qui facultatē habent
 à Sede Apostolica delegatā.*

Benedictio in Articulo mortis
 cūm soleat impertiri post Sa-
 cramenta Pœnitentiæ, Eucharistiæ
 & extremæ Unctionis illis Infir-
 mis, qui vel illam petierint, dum
 sana mente, & integris sensibûs
 erant, seu verisimiliter petiissēt,
 vel

vel dederint signa contritionis ; impertienda iisdem est , etiamsi postea lingvæ, cæterorumque sensuum usu sint destituti, aut in delirium, vel amentiam inciderint. Excommunicatis verò, impœnitentibus , Et qui in manifesto peccato mortali moriuntur, est omnino deneganda.

Habens prædictam facultatē, ingrediendo cubiculum, ubi jacet infirmus, dicat: Pax huic Domui &c, ac deinde ægrotum, cubiculum, Et circumstantes aspergat, aquâ benedictâ, dicēdo Antiphonam: Asperges &c.

Quod si ægrotus voluerit confiteri, audiat illum, Et absolvat. Si Confessionem non petat, excitet illum ad eliciendum actum contritionis ; de hujus benedictionis efficacia, ac virtute, si tempus

pus ferat, breviter admoneat, tum instruat, atque hortetur, ut morbi incommoda ac dolores in antea acta vitæ expiationem libenter perferat, Deoque sese paratum offerat ad ultro acceptandū quidquid ei placuerit, Et mortem ipsam patienter obeundam in satisfactionem penarum, quas peccando promeruit. Tum piis ipsum verbis consoletur, in spem erigens fore, ut ex divinæ munificentie largitate eam pœnarum remissionem, Et vitam sit consecuturus æternam. Postea dicat:

✠ Adjutorium nostrū in Nōmine Domini,

℞ Qui fecit Cœlum, & terrā.

Antiphona.

Ne reminiscaris Domine delicta famuli tui, (vel Ancillæ tuæ) neq; vindictā sumas de peccatis ejus.

Ky-

Kyrie eleison, Christe eleison,
Kyrie eleison. Pater noster &c.

¶ Et ne nos inducas in tenta-
tionem,

℞ Sed libera nos à malo.

¶ Salvum fac servum tuum.,
(vel Ancillam tuam, & sic de-
inceps.)

℞ Deus meus sperantem in Te.

¶ Domine exaudi orationem
meam,

℞ Et clamor meus ad te veniat.

¶ Dominus vobiscum,

℞ Et cum spiritu tuo.

OREMUS.

Clementissime DEUS, Pater
misericordiarū, & Deus toti-
tius consolationis, qui neminē
vis perire in te credentem, atq;
sperantem, secundum multitu-
dinem miserationū Tuarum, re-
spice propitius Famulum Tuum

N,

N, quem tibi vera Fides, & spes christiana commendant. Visita eum in salutari Tuo, & per Unigeniti Tui Passionem, & Mortem, omnium ei delictorum suorum remissionem, & veniam. clementer indulge, ut ejus anima in hora exitus sui, Te Judicē propitiatum inveniat, & in Sanguine ejusdē Filii Tui ab omni macula abluta, transire ad vitam mereatur perpetuam. Per eundem Christū Dñum nostrum.

Tum dictò ab uno ex Clericis adstantibus Confiteor &c. Sacerdos dicat Misereatur &c. deinde:

Dominus Noster Jesus Christ⁹ Filius Dei vivi, qui Beato Petro Apostolo suo, dedit potestatem ligandi, atque solvendi, per suam piissimam misericordiam recipiat confessionē Tuam, & resti-

ſtituat Tibi ſtolam primā, quam
in baptiſmate recepisti; & ego
facultate mihi ab Apoſtolica Se-
de tributā, Indulgentiam plena-
riam, & remiſſionem omnium
peccatorum tibi concedo. In
Nomine Patris, &c.

Per ſacroſancta humanæ repara-
tionis myſteria, remittat tibi Om-
nipotens Deus, omnes præſen-
tis, & futuræ vitæ pœnas, Para-
diſi portas aperiāt, & ad gaudia
ſempiterna perducāt, Amen.

Benedicat Te Omnipotens Deus,
Pater, Filius, & Spiritus S. Amē.

*Si verò infirmus ſit aded morti
proximus, ut neque Confessionis
generalis faciendæ, neq; præmiſ-
ſarum precum recitandarū tem-
pus ſuppetat, ſtatim Sacerdos be-
nedictionem ei impertiatur.*

Nulli ergo omnino hominū *Sanctio.*
lice-

liceat paginam hanc nostrarum
confirmationis, prorogationis,
ampliationis, & cōcessionis, mā-
datorum, statutorum, decreto-
rum, ac derogationum infrin-
gere, vel ei ausu temerario cō-
traire: Si quis autem hoc atten-
tare præsumpserit, indignatio-
nem Omnipotentis Dei, ac Be-
atorum Petri & Pauli Apostolo-
rum ejus, se noverit incurfurū.

Dat: Pō- Datum Romæ apud Sanctam
tificatûs Mariam Majorem, Anno Incar-
Anno 7. nationis Dominicæ, millesimô
die 5. A- nationis Dominicæ, millesimô
prilis septingentesimô quadragesimô
1747. septimô, Nonis Aprilis, Pontifi-
catûs Nostri Annô Septimô.

D. Card: Passioneus.

J. Datarius.

V I S A

De Curia J. C. Boschi.

J. B. Eugenius.

Loco † Plumbi.

Re-

Regestrata in Secretaria Brevium.

ANNO à Nativitate Domini Nostri
JESU CHRISTI, millesimò se-
ptingentesimò quadagesimò septimò,
Indictione decimà, die verò quartà
Maji, Pontificatùs autem Sanctissimi
in Christo Patris, & Domini Nostri,
Domini BENEDICTI Divinà Provi-
dentià Papæ XIV. Annò septimò, su-
pradiçta Constitutio affixa, & publicata
fuit ad valvas Basilicæ Lateranensis,
& Principis Apostolorum, & Cancellaria
Apostolica, Curiaque General in
Monte Citatorio, & in Acie Campi
Floræ, ac in aliis locis solitis, & con-
suetis Urbis per me Joannem Baptistã
Angelini Apost: Curs.

Franciscus Bartolotti Mag: Curs.

EXemplar præsens ex exemplari Ro-
mano reimpressum, collationatum
cum eodem Exemplari Romano con-
cordare in omnibus attestor. In cujus

D

rei

rei fidem præsentem subscripsi, & Sigillô Illustrissimi & Reverendissimi Domini, Domini Alberti ex Comitibus de Archintd, Archiepiscopi Nicæni, & Nuncii Apostolici in Regno Poloniæ communicavi. Varsoviæ in Cancellaria Nuntiaturæ Apostolicæ hâc die 27. Mensis Novembris, Annô Domini 1747.

*Petrus Jastrzewski, Publicus
Sacrâ Authoritate Apostolicâ
Notarius, Nuntiaturæ Apo-
stolicæ in Regno Poloniæ
Vice-Cancellarius.*

mpp.

THE.

THEODORUS

Dux in Kiewan & Zukow

CZARTORYSKI,

*Dei, & Apostolicae Sedis Gratiâ. Episcopus
Posnaniensis, & Varsoviensis,
Delegatus Apostolicus.*

UNIVERSO Clero Sæculari & Regulari, etiam RR. PP. Soc: Jesu, in Diœcesi nostra Posnaniensi, & Archidiaconatu Varsoviensi constitut: Nobis in Christo Dilectis salutem in Domino. Non Vos latet Dilectissimi pius zelus, & indefessa Sanctissimi Domini Nostri, Domini BENEDICTI XIV. Pontificis Maximi circa curam, & salutem animarum sollicitudo, quæ Vobis, & universo Orbi Christiano, ex tot Sanctissimis, & verè Apostolicis Constitutionibus editis, & per Nos publicatis sat manifestè innōuit. Videte nunc nova hujus Pontificiæ solli-

citudinis, in præfenti Constitutione
Argumenta, quæ Vobis præ oculis a-
nimisq; Veftris ponimus, ut non tan-
tùm legere possitis, quæ fcripta funt,
fed etiam intelligere, quæ agere de-
beatis. Et licet tam Sancto, tamque
falutari operi adimplendo, Noſmet
Ipsi Vires Noſtras quantumvis imbe-
cilles minimè ſubtrahere ſtudeamus,
quoniam tamen publica Regni & am-
plæ Dioceſis Noſtræ negotia, Nos sæ-
pè numero avocare non deſinunt. Pro-
inde in partem ſollicitudinis Noſtræ,
Perilluſtres, & Reverendiſſimos Vica-
rios, & Officiales Noſtros Generales
Poſnanienfem, & Varſavienſem, tum
Perilluſtrem Judicem Surrogatum Po-
ſnanienfem, uti viros pios, & aliis vir-
tutum, & probitatis meritis cōmen-
datos deputandos, & ſubdelegandos
eſſe duximus, prout Authoritate Apo-
ſtolicâ Nobis ſpecialiter Delegatâ, de-
putamus, & ſubdelegamus. Commit-

ten-

tentes eisdem, ut non tantum per se-
iplos Benedictionem, & Indulgentiā
Christi fidelibus, in articulo mortis
constitutis, ad mentem ejusmodi Cō-
stitutionis impertiri studeant, sed e-
tiam aliis Viris probis eandem facul-
tatem eādē Authoritate Apostolicā
à Nobis concessā, communicare non
dedignentur. Quam Nos etiam præ-
sentibūs Literis Nostris, Illustribus, &
Admodum Reverendis Decanis Fora-
neis, necnon Ecclesiarum Parochi liū
Præpositis, Parochis, Commendariis,
& Vicariis, curam animarum geren-
tibus, (quos non dubitamus cum cō-
grua idoneitate qualitates in Consti-
tutione præscriptas possidere) damus,
& concedimus, simulq; eosdem in Do-
mino hortamur, ut circa largitionem
ejusmodi Benedictionis, & Indulgētiæ
Plenariæ præscriptum præinsertæ Cō-
stitutionis Sanctissimi Domini Nostri,
modumq; & formam observent obser-
vari-

variq; curent. Ut autem hujusmodi
Constitutio Sedis Apostolicæ, & No-
stra Subdelegatio eò faciliùs innotes-
cat, eandem typis imprimi, & viâ
cursoriâ per Decanatus transmitti mã-
davimus, & in majorem præmissorũ
fidem præsentēs manu Nostrâ subscri-
ptas, Sigillô communiri jussimus. Da-
tum Posnaniæ in Palatio Nostro Epi-
scopali ad Ecclesiam Cathedralem,
die 13tia Mensis Januarii. Anno Do-
mini 1748vô.

THEODORUS Episcopus,
quà Delegatus Apostolicus.

(L.†S.)

*Stephanus Skrzebonwski, sua
Celsitudinis Secretarius.
mpp.*



Biblioteka Jagiellońska



stdr0026150

